




同治歲次

三
上
冬
月

高氏宗譜

企渭堂



重修呂氏譜序

呂氏居邑之東南鄉爲鄉著姓太學生諱應瑛公爲
 余祖姑丈祖姑丈之孫鳴旦鳴尊鳴岐輩歲時往來
 余家余幼習見之長而課文結社得與勗堂同筆硯
 勗堂又余從兄以成內舅也其封翁一函公延余課
 其諸孫先後凡七八年相聚日久交益密間乃道其
 遷宜始祖壽然公卜居梁辛瀆越七代伯爲公生子
 四伯諱成居武進仲諱盛居魏瀆叔諱茂居江陰季
 諱戊居雙窰里其他若江寧龍江關院西寧夏衛皆


系出自姜寧夏等與龍江關既遠而江陰亦疏武進嘗合修後以族屬蕃衍合編匪易亦於乾隆間分而別纂焉一山公嘗謂余曰我家譜自道光壬午續修迄今幾四十年婚娶生卒阡葬遷徙久而不可稽者多矣族衆集貲艱而吾以世事酬應之繁經理之重其人卒卒不果必及吾身而襄斯役庶有以成吾宗未成之事而吾心始慰也公之志云爾呂生頡寶公之冢孫也今歲孟冬與其族尊學成延余妹倩范遜齋暨伊族叔光啟屬稿付梓而問序於余余維作譜

之法原本歐蘇呂氏兼而用之條例精詳規戒嚴密
前人審之又審至兵燹以來闕詳者詳蒐以傳
疑正所謂信以傳信者遜齋前已參訂其家乘克稟
是舉奚待余言獨念一山公之志矢之者久且年近
八旬天既假之年宜有以待其成勗堂長余十餘歲
春秋方富終當體一出公心以善其繼述乃倏忽數
載人事變遷纂輯之任不於其祖而於其孫不於其
父而於其子而余祖姑之後亦僅有存者雖頡寶能
成先志而追憶十年前與其祖父兩世契合之雅患

呂氏集詩 序
艱之同今昔感^於余又何以爲懷也若夫昌熾之象
惇勸之辭泛而諛勿詳

同治十年歲次辛未陽月

丁卯補行辛酉科舉人卽選教諭崔徵彥拜撰




呂氏重修宗譜目次

卷之一

呂氏宗譜序

陳康伯



呂氏族譜序

王錫爵

呂氏族譜序

任宏嘉

呂氏宗譜序

史陸輿

重修呂氏宗譜序

范轉東

續修宗譜序

十九世孫瀛

續修宗譜序

顧恒

續修呂氏宗譜序

吳

辰

文穆公啟後錄

碑記墳墓

譜例

譜義

五宗說

五宗圖說

祠規十條

家訓六則



石馬頭梓樹墳記

吳俊華

魏瀆大宗詞記

范轉東

雙廟頭分詞記

范轉東

耑詞碑記

卜宅岷

瑞祠記

卷之二

大宗圖表

分宗圖表

武進大分九世圖表

十三世圖表

十八世至二十世圖表

卷之三

魏瀆二分九世至十三世圖表

十三世至十七世圖表

十七世至廿一世圖表

卷之四

魏瀆二分十七世至廿一世圖表

廿一世至廿五世圖表



卷之五

雙廟頭四分金公派下九世至十三世圖表

十三世至十七世圖表

十七世至廿一世圖表

卷之六

雙廟頭四分十七世至廿一世圖表

廿一世至廿五世圖表

卷之七

雙廟頭四分玉琛公派下九世至十三世圖表



十三世至十七世圖表

雙廟頭四分玉公派下十七世至廿一世圖表

廿一世至廿五世圖表

邵平橋琛公派下十七世至廿一世圖表


外譜引

外譜世表

卷之八

恩綸

特恩存問大學士呂宮



敕一道

恩贈承德郎呂程雲

敕一道

敕授承德郎呂宮

敕一道

蒼忱公傳

蔣起

俊文翁行畧


塘

瑞貞公傳

孫挺

王孺人傳

同



彥英公傳

周 袞

耐菴公誌

徐名駟

咸亨公誌

徐名駒

靜山公傳

周 袞

覲韓公繼配節孝徐孺人傳

徐光年

貽訓公序

余 傳

路孺人六十壽序


路同申

帝簡公傳

吳俊華

徐孺人傳

同



君明公傳

同

君聖公傳

同

中立公傳

同

徐孺人小傳

許祖耀

岐渭公傳

許祖耀

湯孺人傳

顧恒

襄遠公暨徐孺人傳

崔思睿

似海公傳

范於飛

袁孺人傳

儲研峰



飲雲公傳

男 應曦

純軒公傳

崔謙六

瞿孺人傳

崔應樞

淇萊公傳

王曰昇

蔣孺人七十壽序

徐元震

未菴公暨配吳孺人傳

崔錫華

豫堂公傳


崔思睿

顧孺人五十壽序

同

呂母周孺人六十壽序

陳賦



許孺人傳

吳元發

瀛選公傳

王鉞

王孺人六十壽序

周袞

藹園公暨沈孫兩孺人傳

沈煥

孫孺人七十壽序

吳映庚

牛休公暨崔孺人傳

崔景灝

節母王孺人傳

路應廷

恪齋公傳


周昌言

崔孺人哀詞

崔錫芬

呂氏家譜

卷之六



范孺人五十壽序

范 陞

子孝公暨配范孺人傳

族人公識

長侯公鮑孺人合傳

顧 恒

錫元公傳

閔 越

景山公傳

同

湯孺人撫孤記

同


瑞興公暨湯孺人傳

章陞升

一山公祭文

一山公邵恭人合傳

崔徵彥



秋圃公行畧

最堂公傳

領譜字號

兆文

崔徵彥





呂氏宗譜序

粵稽呂氏之先始出自虞夏之際封姜姓之後於
呂至周失國子孫因以爲氏則自三代以來其爲
名世也遠矣皎然翹然天下知有呂氏也秦漢之
時裂而復合合而復渙其間四布而可稽也傳自
唐之太宗奏天下譜牒退新門進舊望左膏梁右
寒微合一百九十姓六百五十一家而呂氏亦與
首稱焉歷傳至我皇宋父子德業煥然各爲時名
宦遂爲天下右族氏也而又有譜牒以貽後人世

臣喬木之家而咸莫與之京嗟夫士之名世也有
 二人品與家世而已人品不足而家世猶足以振
 之人品與家世而無忝於所生缺呂氏子孫並皆
 有之此其所以為名世也缺

宋紹興二十三年菊月之吉

觀文殿大學士兼知樞密院使潁川陳康伯序

呂氏族譜序

夫家之有譜其義蓋倣夫天官氏考氏之錄地官氏考民之籍爲古之仁人孝子以此率祖合族燕祭以時嘉慶而憂弔家政乃行而推之放乎四海穆如也古道旣堙柏翳神堯之族紛紛督亂自馬遷論次名臣世家而譜系稍出魏晉以降乃益重門閥于是宰相皆帶知譜事而圖譜一局特領於翰林時蓋有桑梓甘棠相戎剪伐之意焉迺其指本專於論貴單門庶姓無所紀德昭世於國彼知

齷齪競錐刀拆竈炊耳故世風日往如水之走下
凌遲至五代干戈之後雖卿大夫之家子孫惰窳
忘其先耗矣儒者蘇者歐陽氏憫王教廢闕而世
不講於大宗小宗之義孝弟之德衰於是網羅世
次序列昭穆而兩家私譜至今盛行觀呂氏譜蓋
按依兩家義例而宗範一篇辭近旨遠讀其書知
其於孝弟藹如也於長幼秩如也於庶嫡凜如也
孟夫子曰人人親其親長其長而天下平今之間
巷皆遵斯道卽三代何加焉譜成因爲之序

萬歷庚辰仲秋之吉

賜進士及第朝列大夫國子監祭酒經筵講官前
翰林院侍講學士實錄副總裁王錫爵拜撰



楊林崗... 士... 夫... 國... 千... 盤... 祭... 所... 滋... 益... 萬... 聖... 夫... 氣... 壯... 煉... 之... 苦...

呂氏族譜序

且天下論木者未有不論其根本者也。觀水者未有不究其發源者也。使本源不清，卽欲辨其支流也，無由矣。而家之譜系亦然。未有淆其本宗而能清其餘裔者也。余嘗聞呂氏先世自周師數十傳後，至祁避田氏，難居萊州，又數十傳，至蒙正、蒙亨。蒙亨乃吾宜邑梁莘瀆呂氏之小宗也。蒙亨生夷簡，五傳至祖泰，因宋之變，隨高宗南遷。後論奸相韓侂胄不合，貶配欽州。其建議之慷慨激烈，史

文至今可考也及遇赦遂卜居陽羨今梁莘濱呂氏其嫡派也顧呂氏之先淵源有自或分支東浙而遠或托跡毘陵而近小宗大宗之分秩然也叔兮伯兮兄及弟矣往來晉接親親之意藹如也而今且弗具論從始居陽羨之後世系之星羅碁布快觀濟濟之才瓜瓞雲初喜見振振之盛猗與隆哉無有遠邇聿臻昌熾殆是之謂乎卽有小宗大宗之分別迺時勢使然也自宋明分派以至國朝或仕或隱詩書世業蜚聲庠序者代不乏人倘

有英賢繼起繩其祖父則正未可量也今恐世數
悠遠支流紊亂乃倣歐蘓義例鳩族中諸君子而
囑余序

康熙壬申仲春之吉

賜進士第江南道監察御史任宏嘉拜撰



今世...

國士...

皇朝...

國...

...

...

呂氏宗譜序

凡作譜以明世系也本之一人衍之至於百千萬
人絲連繩貫條分目析此不過空名鱗次而觀之
者敬愛之心可以油然而生矣作譜者或益之以
字行生卒子女配葬及生平行事大畧爲世傳此
非有揄揚溢美于其間而觀之者敬愛之心益可
以油然而生矣作譜者或又益之以科名狀畧誌
銘傳讚等項此頗近於鋪張夸詡然律之以雅頌
之義則無謬焉觀之者敬愛之心更益可以油然

而生矣。余友呂子錫元，英姿卓越，繼往開來，以其已成之譜，索序於余。余雖不敏，而作譜之要領，與作譜之義例，於呂氏之譜而得其概焉。其首用絲連繩貫法，倣歐譜而分爲大宗、小宗、統紀、支、明、派、晰、開、卷、瞭、然，次用條分目析法，倣蘇譜而字行生卒、子女、配、葬、及、生、平、行、事、大、畧，卽註其本名之下，以表爲傳，便于觀覽，格整而貫，言簡而備。呂氏之譜，前此業經二修矣。今復整之，備其義例，明其敬愛。見數百年來呂氏之文獻，爲不替也。自一人而

衍之至百千萬人自百千萬人而復推本於一人
自初譜繼之述之至於二譜三譜自二譜三譜繼
之述之何必不至於十譜百譜推斯志也雖與天
地萬物爲一體可也

康熙癸酉仲春之吉

賜進士第翰林院庶吉士授刑部主事轉禮部儀
制員外郎史陸輿謹序

諸員及心求到與前

謝益士食劍林湖泉

烈烈文西仲春之吉

取萬勝為一册何也

又取文四必不全外十

日味精細之遊等五地

物文至百千萬人自百



重修呂氏宗譜序

呂本姜姓系蓋出自炎帝在虞夏時其後嘗爲四
嶽佐禹平治水土有功封於呂故姓呂氏商時失
國至周乃有呂尙武王封之於齊所謂太公望者
也則呂之出於炎帝非誣也然孔子刪書斷自唐
虞且亦著其事之可法於世者而止而其他則弗
詳焉蓋其慎也太史公遠出孔子後不自量力作
五帝本紀乃詳悉黃帝以來世次以是蒙譏於歐
陽永叔此無他世遠故也由是言之世之遠者雖

以史公之博學多聞而欲尋討數千年以來源流
嗣續其不能無舛錯繆戾也已如此矣此其於帝
室王家尙爾況下此者乎故凡後之作譜者斷自
可知之祖始而其不可知者則不能詳要亦不必
詳也已嘗觀呂氏之盛莫過于宋文穆文靖以叔
姪相繼爲賢宰相伯恭與叔復以理學名其家勲
庸道德並擅一時煌煌乎衣冠巨族也哉故天下
之呂多宗壽州然緣是而牽率附會者正復不少
唯吾宜之呂其來歷源流載在邑志炳如也考宜

興之呂始自文靖公五世孫祖泰歷四世其曾孫
行始居邑東之梁莘瀆遂爲梁莘瀆呂氏核其時
當在宋理宗元世祖間自是而後其析派有遷居
龍江關者則自六世光鼎始有鎮撫陝西寧夏衛
而不歸者則自八世成始自此而智始居武進良
始居江陰智與良皆九世而本邑之分派則八世
戊下爲雙廟頭支九世景下爲魏瀆支其自祖泰
以來派別概如此嘗總而按之寧夏旣遼遠而不
可知龍江關亦遠矣江陰猶遠惟武進接壤差近

故前數百年三支尙合爲一譜今各支旣族漸繁
世漸遠其不得不分者亦勢使然也故今所修者
祇應續本邑兩支而止議已僉定族長景山洎宗
彥其位彥英等囑余爲輯其成余謂尸祝不越樽
俎而代其所缺略固無能爲力其間也顧竊以大
宗小宗之法行之明其有百世不遷五世則遷之
義親疎分而一本之誼著矣家文正云吾吳中宗
族甚盛於吾固有親疎祖宗視之均是子孫固無
親疎旨哉仁人之言乎然天下未有不親其所親

而能親其所疎者故必由有親疎而乃能以無親
疎也義一而已矣譜既竣爰以諭諸呂氏宗人曰
爾輩系出文靖信已抑吾猶有說焉余聞莆中有
二蔡一爲君謨一爲京傳京之子孫慙京所爲與
人言每自詭爲君謨後則爲人子孫者恨不其祖
之爲聖方正學序華陽范彥良譜云爲常人之子
孫易爲名人之子孫難則爲人後嗣者尤懼其祖
之爲賢予嘗讀君家藍田鄉約矣藍田先生以是
約於鄉豈不欲以是訓於族而式於後大雅云無

念爾祖聿修厥德周書曰聰聽祖考之彝訓至今
鄉約不具存乎相勸則德業自成相規則過失自
寡相交相卹則自有禮無患由是以追踪伯恭與
叔且由是以步武文靖文穆此其津筏也果爾則
是君謨之蔡而不必若京傳之諱其祖亦華陽之
范而無俟正學之勗其終是前有彰而後有傳也
豈不美哉豈不盛哉雖然吾家亦文正後也既以
告呂之宗人亦因以自勉焉

乾隆乙亥孟冬

震西後學范轉東頓首拜撰

續修宗譜序

嘗聞國有史則興廢可稽家有乘則源流可辨此
國不可無史而家不可無譜也其所由來遠矣如
范陽之盧高平之邨宏農之楊太原晉陽之王與
江東之張朱陸顧彰彰耀人耳目曰某係某卿之
分派某係某相之箕裘雖繩承百世勲業釐然可
考也非然世遠年湮宗支莫辨則少陵長疏踰戚
小加大故文貞與九齡混族閔氏附子騫爲裔崇
韜拜子儀之墓不且本支瞽亂哉况吾呂氏其爲

名世尤遠矣此譜之所宜急輯也先始出自虞夏
肇迹姜姓封於呂而因以爲氏漢唐以前系裂渙
難稽無所紀載至大宋龜圖公父子德業煥赫翹
然名宦且東萊公之理學文章與程朱周張並不
朽固稱一時極盛元明以來其經神學海而蜚聲
宇內者亦不乏迨我 曾祖蒼忱公鼎台重望首
眷 清時知遇之隆直與萊國公後先輝映此
海內以吾呂氏爲世臣喬木之家洵乎不愧然世
系日遠漸踈而宗支代遷益庶文獻不足孰與考

徵倫序失次疇分支派則大小宗之義不明而孝

弟之風亦衰矣臨叨被祖蔭倖列瓊林敢云騰輝

梓里亦既各厠仕班水源木本時深繼述之懷追

遠崇先恒切睦婣之念因思家乘年久廢缺凡我

孫子宜急起而修之適宜興魏瀆伯叔祖輩有志

承先付梓補續郡城聞者莫不躍然刻欲共襄盛

事無如力不從心倘異日有克敦孝友者出焉彙


集宗支詳明世系庶幾光前烈而啟後祥不特祖

德宗功藉以不墜而凡伯叔兄弟亦可因之不紊

也謂非臨之所厚望者與

乾隆丙子歲仲秋月甲戌會魁知山西繁峙縣事

一十九世孫臨序



重修呂氏宗譜序

譜之作也所以合族屬別親疏尊祖德也詎止簪
纓閥閱之誇耀云爾哉自一人之身衍之千百世
之遠承承繼繼歷久彌光豈偶然已耶嘗覽詩書
雅頌所傳序締造之艱難諷守成之匪易后妃之
澣濯達之鄉邦文考之康功圖之無逸惟是導揚
先世之澤被之管絃形諸綴兆俾後人如將見之
世世毋忘也譜之作也亦若是則已矣東南呂氏
舊族也有世德焉由唐宋以迄國朝代有偉人

宋時尤盛及觀歐陽氏蘇氏序之曰人爭羨
物封爵之美抑知其初之磅礴而鬱積者爲何如
也諒哉斯言其得譜意之深者乎故於茲不多載
載其可考者按呂氏譜牒泰然公始居宜爲不祧
之祖越四世則忠言公小宗之大宗也俱據史書
及郡邑誌具有明文不獨以墓地云云也越七世
伯爲公生四子孟曰成居武進仲曰盛居魏瀆叔
曰茂居江陰季曰戊居雙廟里自是分支別派粲
若列眉然其間字號卒塋之傳多所漏略何哉以

此知時代更易鄉井異名風霜兵燹之餘散徙播
遷何可勝道縱有慈孫孝子秉筆覩縷其可得乎
吾邑呂氏多歷年所矣強宗右族林立一時迄今
不少概見而巍然獨存非所謂磅礴而鬱積者不
及此有弗詳者何害竊念居江陰一支以道遠失
載武進一支尤呂宗之赫奕者自蒼忱公大魁天
下其後父子祖孫相繼通顯科名封爵之盛幾埒
美于宋之文穆正獻時然本朝來訂譜康熙以
前合之乾隆丁丑及今譜則用春秋以氏爲族之

例別之夫非有攀援依附之嫌也忠言公之德極其長矣以序推之豈于彼不於此乎且故家望族如呂宗中補博士弟子員冊名成均者濟濟不下數十人孟子云火始然泉始達擴而充之荆邑東南之呂安在其不爲毘陵之呂又安在其不爲文穆正獻之呂積觀宗人列譜之志其仰希祖德拭目後來呂氏簪纓闕閱之期固未有艾也至宗法圖系昭穆嫡庶之辨兼歐蘇之勝矣且前賢論之已詳故不復贅甲辰仲冬族分長印成連方及俊

文等以譜事告竣囑予爲序余精力少衰恐不足以敷陳華宗之盛德然序其所以於尊祖敬宗之念不無少補云時年七十有四

乾隆歲次甲辰仲冬

穀旦


歲貢生候選儒學訓導顧恒拜撰



續修呂氏宗譜序

爲常人之子孫易爲名賢之後嗣難爲常人之子孫者潔身寡過而已爲名賢之後嗣少不逮則懼失墜焉然則將何修而可曰在種德種德莫先孝悌孝悌之道莫先於隆其本以厚其支若修明譜牒非其事之尤重者乎邑東南呂氏自宋南渡時泰然公以抗疏忤權相始居于此越四世至忠言公居梁莘瀆是爲梁莘瀆呂氏越八傳有諱戍者始居雙廟里是爲雙廟里呂氏其地在蠡河之東蜀山之北土地衍沃

呂氏族居焉或樸而耕或秀而儒種學績文之士代
有其人族父况訓其子弟以孝悌恭儉無儼薄囂陵
之習蓋泰然公之遺澤久而愈光而爲之後者復兢
兢以弗克繼承是懼而相勸于種德則所云隆其本
以厚其支者其事宜急講矣前譜輯于乾隆甲辰自
甲辰以後迄今幾四十年向之壯者今已耄老向之
齒者今已頽白若復淹遲安保其經久而不遺忘耶
族長坤元暨房長應貞等以是諭其子姓僉曰然於
是踵前譜義例戶稽而續輯之釐爲六卷月之八日



其宗人嘉亨志匡問序于

辰辰


與志匡爲內戚故呂

氏世德知之尤詳遂敢以蕪陋之辭書其緣起至舊
序所詳者不復覩縷避勦說也是爲序

昔

道光歲次壬午仲冬之吉

同里後學吳辰頓首拜撰





文穆公啟後錄

所貴乎世族者以其祖宗德業之盛子孫生聚之衆也然盛而弗傳猶弗盛已衆而弗親猶弗衆矣惡得以爲世族也哉欲傳且親惟修譜系譜系旣修則文獻足徵盛廼可傳本枝有叙衆乃可親我祖肇迹晉陽衍澤關西拓業蒲城分宗南洛祖宗旣盛子孫益衆雖世有譜書以載其美而所以世濟之者則在後之人耳凡我子孫於先代世系必三十年一修六十年再修庶無遺忘之失

碑記墳墓

墳墓者祖宗體魄所安孝子慈孫所當世守而不
忘者歲月云邁事勢不常一失查埋下同荒塚至
於世遠人亡時移物換或有墾爲田地掘爲溝渠
者可勝惜乎凡我子孫於祖宗墳墓記以碑石刻
其上曰某祖之墓則世代雖遠碑石永存平毀之
患於茲可免

淳化四年春正之吉

五十七世孫兩人相位封許國公蒙正薰沐謹識

譜例

譜以明宗也宗有大小自古重之今世卿大夫無
世官大宗之法久已不行然其遺意猶可倣而得
也世爲別祖適長者大宗也百世不遷者也世爲
高祖適長者小宗也五世則遷者也五世列一圖
五服之親也復提五世作祖以至九世九族之義
也前後相承分合參驗雖不言宗而大小之宗斷
可識矣且圖以領傳傳以從圖圖傳相聯則無訛
溷矣第立宗以適不以長茲若概以長爲宗也何

居曰時已遠事已湮其母之徧正不可知且其出
多未悉吾知其孰爲適歟孰爲庶歟則但長其長
而已矣凡譜必書名臨文不諱也然繫於其父之
下則稱名詳於其子之傳則稱字或併書號何也
父前則子各子前自不得名父也且必書公公者
尊稱也尊其所宜尊也亦有子前竟不書公何也
彼方未完爲子尙有父焉族之爲祖與父行者正
多人方子弟之不已安得以其纔爲人父而遽公
之也俟其後增而補之可也字號生卒配葬皆宜

詳書其多不詳何也曰不可知也不可則概書之曰缺書缺傳疑也書卒矣記年曰年曰享曰壽登何也人生五十不爲天必五十以上始稱享年其下者則但曰年而已七十以上則曰壽登六十者花甲之週也過此以往皆可稱壽其獲躋此者蓋稀矣或其人得壽之理焉書曰壽登難之也頌之也蓋尙年也有子者必書曰生子幾有嗣者必書曰某子入繼無子無嗣則書曰不傳不傳者絕也何以不書絕不忍也君子於人之絕也有隱

痛焉不忍斥言絕故異其詞也不傳矣而又或書未詳何也或地遠或世遙有不可知者不可知并不忍概之以不傳故曰未詳也凡嗣於所後傳內則書曰某某子入繼於本生傳內則書曰子某出繼某某彼此必分明後始知所自出也凡書某某公子於本所生曰子於爲所後則曰嗣嗣之則子之矣而別之曰嗣何也天之生物也使之一本父子天屬也不可以人奪天也直曰某子若竟爲其所生者於情安乎嗣之爲言續也其人既已絕矣

不忍其絕續其後而奉其祀焉斯已矣故曰嗣也
若他姓之來繼者則併書曰似子似子非吾子也
明其非吾宗也然旣曰似矣則反不妨子之也傳
則詳書於本生之下圖止系于所後何也重宗也
長房無子次房不得有子也不系於本生矣或復
有系於本生何也曰獨子出繼其人乃復多子可
以其子爲本生父孫子必有父孫不可以禰祖故
重書之也然書曰子卽某某卽之爲言一而二二
而一者也則彼此賓主之分仍自犁然也故不嫌

重出也有傳必先有圖又有有傳而無圖何也圖以五世爲限也所以明宗也若格已限矣或其下止一二世焉而其生卒葬配又多盡缺欲重起圖焉則不全乎五莫爲宗也欲竟略焉則又早絕其所未絕也故卽附以於其父與祖之後雖不另圖不另傳而其世數所延原未有漏也故變而通之也配之爲言匹也必門戶相當者始稱餘則書娶輕重之義也舊譜疎畧其氏族多所未詳無可用其軒輊焉概書之曰配功疑惟重意也氏之父女

之夫其名諱皆宜登之譜譜之概書姓者何多也
無可詳也無可詳者故畧之而其可詳者則無不
書親親也使兩有可考也其有爵者必書爵貴貴
也亦門楣之光也不以他姓而略之也子女有前
後二母者必詳所出而其不知則不鑿焉亦疑以
傳疑也非畧也出繼他姓及爲僧道亦書骨肉之
親也不忍其遺也且冀其或歸宗也凡世傳先書
名次字有號次號次某公子次生卒葬次配某氏
而次則終之以子女前之所終卽爲後之所始綿

綿不絕之義也女雖長必次於子後女不先男且
外之也此則譜之大凡也或曰係其父於子之下
子不先父乎非也世傳以世爲傳也次其世則摯
其名而已矣此列傳體也史遷原自如此子亦有
云武王纘太王王季文王將亦謂夫子先武王於
禰祖可乎此論真堪一噓

譜義

收族之道莫善於宗法宗法廢而族始離離則族人之肥瘠不啻秦越之相視焉仁人君子不忍其族之若是離也於是作爲譜牒以聯之聯之者何也亦曰明其爲一本而已矣萬山之脊起於崑崙萬河之流源於星宿人之於祖猶是也今世族姓異居分體于其同宗漠然如不相屬夫不相屬則塗人而已嗟乎一人之身也而乃相視如塗人乎試邈生初這點直在毛裏豈有分形愚者見多仁

者見一見多則分見一則合分則相猜相悖合則相愛相親自然之理也今觀呂氏之譜非始於直言公一人乎思其爲一人則今日之晁初雲耳世雖遠族雖繁貧富卽有異形強弱卽有異勢然推而上之不過直言公一人之身耳由一身而因以有以三爲五之五族由五族而因以有以五爲九之九族由九族而因以有武江荆魏瀆雙廟之一族今武江猶曰遠矣苟於萃處一方之公姓饑寒而不相恤患難而不相扶是猶一身之內手足有

痿痺肌膚有傷剝而不一爲麾撫也其何以開卷
而對直言公一人吁明乎此者孝弟雍睦之心油
然自生乖戾囂陵之習灑然自釋矣此則作譜者
區區之心也若但登記存次演列行次有同故紙
則亦淺之乎視譜也已



五宗說

始祖適長子孫世爲大宗統一族之人以行冬至
之祭高祖適長元孫爲繼高小宗統三從兄弟以
祭高祖曾祖適長曾孫爲繼曾小宗統再從兄弟
以祭曾祖祖適長孫爲繼祖小宗統從兄弟以祭
祖禰適長子爲繼禰小宗統親兄弟以祭禰墓祭
亦然記大傳曰別子爲祖註云別子有三一謂諸
侯適子子弟別于正適一謂異姓公子始來在國
者一謂庶姓起于是邦爲卿大夫別於不仕者與

後世爲始祖也又曰繼別爲宗註云別子之世適也族人尊之謂之大宗又曰繼禰者爲小宗註云父之適也兄弟尊之謂之小宗又曰有百世不遷之宗有五世則遷之宗百世不遷者別子之後也宗其繼別子者百世不遷者也宗其繼高祖者五世則遷者也蓋別子之適子孫世繼別子爲大宗統族人以祭始祖死則族人皆爲之服齊衰三月爲母妻亦然其別子之庶子不得禰別子則自使其適子繼已而爲小宗所謂繼禰者是已繼禰者

與親兄弟爲宗則率親兄弟以祭禰廟繼祖繼曾
繼高皆統高曾祖兄弟以祭其廟其庶子皆不得
繼禰各自使其適子禰已而爲小宗焉自高至元
凡有四小宗焉四宗共宗於大宗是爲五宗也其
爲小宗各以其服服之親兄弟齊衰期從兄弟大
功再從兄弟小功三從兄弟總麻第四世兄弟繼
高祖之父者無服不復爲之宗所謂五世則遷者
也大宗所以重本始小宗所以聯宗派宗子法廢
譜牒尙有遺風譜修則宗法亦庶幾乎僅存矣有

家者可不以譜牒爲先務哉



五宗圖說

圖必以五世爲列五服之義也而是圖之說又不
僅此敬宗所以尊祖也故始祖臨上其居中直下
者世大宗也偏而列於左者大宗之弟也偏而列
於右者大宗之兄也兄而不當中者庶也或無子
也無子而莫爲之後也不當中而列於右雁序之
倫不可亂也凡列圖皆以下推上俟下之第五世
盡列而後可列夫四四盡而後可列三三盡而後
可列二子必從乎父也否則二恐當宗之三三恐

當宗之四四恐當宗之五上下相當如同父子情有未安勢有難別也故大宗之弟有列左之極邊者蓋爲此也其或不邊者亦自有說如宗之三世已空弟之二世若無後亦可乘其缺而列之雖二之下直當宗之四而中間已間宗之三雖不邊無碍也然亦有以上爲推者假若上多下少又不可以下之實當上之虛必俟其上之盡列空其無後者下之一行而後可列其下之有父者于空之左如是則于宗支多寡絕續之義舉目瞭然矣此圖

之說也小宗圖倣此



呂氏宗譜

卷一

金澤堂



祠規

國有國法家有家規然國以官府治百姓尊而疏
家以祖宗治子孫親而近况法施已然之後規匡
未著之先則祠規實以濟國法之不逮者也彼名
門義族其子弟所以鮮犯有司者禮法爛而官法
遂爲徒設也今既有公祠分祠禮教胡可以不講
者作祠規十則以列於後

一 首重祭祀祖宗遠矣子孫所以致其著存者惟祭
一端而祭奠大於春冬春冬二祭所以大合族也

每歲清明冬至二節屆期限辰巳二刻成丁子姓

咸盛服集祠至平午族長命鼓樂報齊凡主祭及

執事之人遵循所刻儀注

後詳

奉行罔有不虔敢或

失于度愆於儀紊次誼譁者當即斥去不許與祭


祭畢毋得飲福

一每歲元旦歲之更始族中凡勝衣冠者厥明咸盛

服入祠燃燭焚香啟櫝參神行四拜禮獻茶菓紅

飯禮畢卑幼與尊行以齒序拜乃退宗子早暮入

祠上香三日而徹乃納主如初儀宗子或居遠當



地分尊代

一 每月朔望宗子執香燭率族中在近子弟勝衣冠者詣祠堂叅謁如常儀後與同至兄弟伯叔序揖成禮而退有無故不至以慢祖論議罰香燭其居遠五里外而遇風雨者勿論


一 每歲米麥初登必擇日薦新于祠堂香燭四拜如常儀薦止用新不登他品

一 凡遠遊千里之外出告反面必詣祠堂香燭致告歸或有所獻者聽

一 婚嫁大禮宜特祭告貧不能備物者二 簋可享禴祭無妨

一 凡族有生子及身故者乃丁衆盈縮所係祖宗休戚所關必具香燭告於祠堂生以告喜死以告哀生以三日死以五七毋得愆期祠中特設司籍一人掌其存沒當卽順年月書明某人第幾子生第幾世某人卒日後修譜卽便查核不致溷訛


一 凡族中能文子弟必立家課之程或以月課或以時課量息之贏餘爲課之疎數是日平明子弟必



衣冠入祠叅謁後人付一卷卷印合縫圖章以防
更換課題既下務息心靜氣以盡一日之長毋得
閒談濶論致擾文思限申刻完卷務當面交訖聽
掌彙者送高明批閱以次甲乙其殿最即未十分
允確後生不得妄生議論致啟紛紜考在前列者
優以紙筆無故不到者罰銀一錢以克給賞
一族有不順父母凌犯長上有傷於理者告知宗子
族長傳集通族賢能宗長詣祠朴責以示小懲再
不改告官處治三不改革祠不許復入

一族中如有恃強凌弱恃衆暴寡事屬不平者宗子
族長聞知卽傳集子姓鳴鼓共攻以鋤強梗然在
寡弱亦宜詣祠申訴憑族分公同理處如不先稟
祠遽行告官訐訟者卽果理直亦以不遵族規論
己上十條勸懲之法亦已畧具凡在後嗣果能
遵其所行毋犯其所忌上之卽未能至于聖賢
下之亦可免於不肖若其下流匪類有所不忍
言者亦不忍書惟有屏之遠方戒勿與齒而已
矣語曰稂莠不除嘉禾不殖此亦仁人君子所

萬不得已者也併附以寄律不能詳之意






家訓

世多以仕宦科名品族之大小習俗類然由君子
觀之實不盡爾鄉先賢萬文恭公訓其子曰但願
汝等爲好人不願汝等爲好官堵冲字公叱文襄
公幼時曰此貴人非好人也兩賢之語前後若轍
由是以觀則好人豈不遠出巍科膺仕上哉第好
人正自不易也司馬長公曰父兄之教不先子弟
之率不謹則正人君子之生其所藉于賢父兄朝
夕之誨者漸矣作家訓六則

孝弟一

孝弟爲爲仁之本故聖賢開口卽喫緊爲人提破弟
孝之一字最屬難當其道最爲難盡未易殫述以臆
度之大約以繼志述事爲大以蓋愆斡蠱爲賢而要
以不辱其先爲本孟子曰不失其身而能事其親者
吾聞之矣失其身而能事其親者吾未之聞也欲知
孝者其守身乎知守身則志必不敢忘父母念念不
忘父母則志氣其必立也術業其必正也交遊其必
慎也非僻之念必不敢萌于心言動之愆必不敢形




于友宗族鄉黨必羣羨其父母之有子也子曰立身
行道揚名於後世以顯父母孝之終也斯豈易言然
苟不貽父母以惡名斯亦顯揚之一也孟子曰事親
若曾子者可也意亦大都近是然天下未有不和兄
弟而能順父母者故言孝者卽繼以弟而弟非僅疾
徐先後之謂也弟亦自有由焉人之兄弟本同一氣
何彼何此何嫌何疑兄弟從來說手足卽以手足
論手居上而足居下貴賤固自懸殊也而手與足未
嘗相誚也且卽以手論手分左右也勞逸恒多異用

而左與右殊自兩忘也此無他一體故也兄弟何獨不然人苟明乎斯義則肥瘠偏枯皆無所介父母或有勞勤必曰譬如父母但生一我父母或有剩遺必曰譬如父母原未曾有有相讓而無兩爭豈不長此怡怡也哉或曰人性雖同氣有異秉豈盡難兄難弟然亦自有道矣詩不云乎式相好矣無相尤矣尤之爲言似也張橫渠先生訓此字義最長世之所以相殘者惟其尤而效之也效之則必反之反覆相尋勢遂不已獨不思人之十指猶有短長乎長指指也短


指亦指也長指短指皆吾手也必欲以我之長齊彼
之短是斷鶴續鳧兩敗俱傷也故知不相尤則知所
以能相好矣爲兄弟者尙其體此

讀書二

語曰萬般皆下品惟有讀書高又曰滿朝朱紫貴盡
是讀書人此雖恒言却是至理古昔聖賢雖未嘗以
富貴爲榮亦豈轉以貧賤爲美最恨淺夫俗子貪惑
近小而忘遠大之圖看舉人進士如同天上之人謂
拜學從師空擲囊中之物愛惜錙銖甘爲錢虜屈殺



天下多少聰明子弟殊不知家無大小三代不讀書
雖大小也讀書三兩代雖小大也卽如近日以寒門
小姓而遊庠而登第者何歲不有何科獨無卽或不
然而祖孫父子悉屬文人其交遊必高朋也其親戚
必右族也談笑有鴻儒往來無白丁卽巨室大家亦
無敢輕而侮之矣聞昔一鄉老先生遣僕索債于鄉
還而問其家景僕對曰家有四子獨請一先生在塾
讀書鄉老聞言殊爲氣阻徐語僕曰此債且勿索也
蓋鄉老係世宦其讀書無不達者故視其四子悉巍



科顯秩也吁讀書之可畏如此彼先聲尙爾逼人
也盍其念諸

農桑三

農桑爲衣食之本古昔聖王胥首重之良有以也然
此豈但爲衣食計哉管子曰衣食足而知榮辱則農
桑者實廉恥之源也每見浮夸子弟幸藉祖父遺蔭
生而見富罔識由來食必鮮肥衣必文采飲博歌呼
揚揚意氣因而誦負耒爲田夫陋遵行爲村婦自謂
勝祖強宗并且耻談先世自家不問田疇伊婦胡知



呂氏家言 卷一
匡績乃不十數年而金盡產傾兒號妻泣或垂老單
寒無門覓食或兒孫落薄靡事不爲當此之時廉恥
安在嗚呼乃逸乃諺實寒餒之由不織不耕併盜賊
之始可勿懼哉可勿戒哉


崇禮四

禮者天理之節文也人身日在天之中何可一日無
天之理子曰親親之殺尊賢之等禮所生也故曲禮
謂道德仁義非禮不成教訓正俗非禮不備分爭辨
訟非禮不決君臣上下父子兄弟非禮不定宦學事

師非禮不親班朝治軍蒞官行法非禮威嚴不行禱
祠祭祀供給鬼神非禮不誠不莊禮之時用大矣哉
禮儀則三百矣威儀則三千矣優優乎其于人也如
魚之有水也如樹之有皮也詩故有云人而無禮胡
不遄死此言非甚也蓋禮也者文也文也者生乎情
者也情生文文復生情斯以久存其安而行之者生
乎情者也勉而行之者生情者也人既有生斷不能
以無情若無情以生文復無文以生情則槁木也已
枯魚也已相鼠之所爲歌也詩人豈欺我哉

通財五

貧富之不同也是有命焉不可強也然在貧者固宜安于不足而在富者自可推其有餘且人之一身所需幾何偃鼠飲河不過滿腹鷦鷯巢林不過一枝賸有贏餘徒滋朽蠹古之人與天下同其憂與天下同其樂今人度量萬不及此然不能家國亦有同宗但使我身享用卽重裊列鼎而被鶉衣枵腹者乃伯叔也昆季也子姪孫輩也朝見而暮卽焉在彼卽無覲覲在我卽無憐憫而相對能無削色且貧富何常忽



則易人先膏梁後糟糠三十年中眼見不知凡幾子
亦有云有而不施窮莫之救也設一轉盼而彼之景
况看看已到我身易地以觀將何以計幸彼席豐且
設身以處

陸族六

周公之訓魯公者首曰君子不施其親豈以開基立
國爲此冠冕正大之言蓋大聖心胸實實見得千枝
萬葉同本一根之義語曰披其枝者傷其心不信然
哉今之陌視宗族者輒曰賢愚不等情性不同是固

有之然彼之有異心者乃彼之變也彼既非是而我
復效尤乎惟彼雖投我以變而我自應之以常苟有
人心能無悔悟卽不盡然我心已盡我道無乖和好
之情原未有減於我則所謂邦家無怨者理已備於
此矣里諺有云世無千年親只有萬年族雖在庸愚
猶知此語胡有哲人不明斯理仁人於此總皆同體
不問親疎不分涯涘孰萌挑構之心曷啟紛爭之漸
喜則相慶憂則相弔難則相援忿則相勸讓其所有
餘諒其所不及長有教訓幼有聽從遠邇邇休戚

皆同比如千毫萬竅總屬吾躬牽一髮而頭爲之動
著一芒而意爲之通其相爲呼吸如此尙何乘情戾
氣之有古之所謂義門義里者其亦蔑以過是也夫



石馬頭梓樹墳記

呂氏第四世忠言公墓在石馬頭是地也東近蠡庄
西鄰塢墅水繞山縈稱吉壤焉武荆兩邑之呂咸出
其後所以自明初迄今歷三四百年而呂氏梓樹墳
猶傳人口梓樹坟者父老傳言當時卜葬未立墓碑
即以梓樹爲識故云又曰其樹每與族爲興替族之
盛則榮華衰則枯落由是言之樹亦一神物也第聞
忠言公初買此山時蓋數百餘畝因周江兩姓皆戚
屬贈地作穴既竟爲彼兩家祖坟漸各占大又鼎革

流離子姓不獲時省邱墓日侵月蝕以至於今所存者僅二十餘畝耳夫二十餘畝作祖塋亦不爲少特以當時固數百餘畝也今僅止此更後數百年知復幾何是則不可無記故屬余誌之俾後有考乾隆歲次壬申臘月八日

荆溪後學吳俊華頓首拜撰

附記墳山田號

短字七十五號

山十四畝七分

又七十五號

山地七畝三分

一千一百三十六號

山地五畝一分零

三十七

平一畝零六厘九毫

三十八

平四分九厘

三十九

平一畝四分零五毫

四十七

平五分二厘五毫

四十九

平二分七厘八毫

梓樹坟山向為異姓侵蝕今自粵匪擾後册頁散失善後清丈辦糧較前更少糧號姑遵舊牒待後查明再行補註





魏瀆祠堂記

君子將營宮室必先立祠堂於正寢之東正寢者卽
今之廳堂也蓋古人報本反始尊祖敬宗萃渙合漢
之道莫大於祠堂故凡開業傳世之家未有不建祠
堂者荆溪之呂氏始自宋元以來殆舊族也明初魏
瀆橋西有大宗祠焉莫詳其始建歲月大約前後兩
進共十楹其遺址可按也明鼎革時兵火流離後進
燬焉卽前進亦傾頽倒坍幾不支矣康熙四十二年
始克修整稍棲神位而後進尙未遑補造也至雍正

五年族有顧而嘆者曰祠舊有兩進也吾等幸忝爲
直言公後縱無能擴而大之有改於其舊奈何昔有
後進今聽其燬而莫爲之所也衆僉矍然曰期期有
是哉期期有是哉於是羣情鼓舞富者輸財貧者助
力糾工庀材爰闢其地爰植其楹乃垣乃墻以敞以
闔而後寢以成是祠也雖未敢云父肯堂子肯構也
亦庶幾仍還舊觀而勿棄基矣乎由是而展禮有堂
飲福有地迄今垂三十餘年矣歲之乙亥族長景山
曰昔祠之建未嘗有文故其年月今不可考今又無

誌恐後之視今亦猶今之視昔也幸吾子爲吾族記
之余謂祠固宜大不宜小宜廣不宜狹後進之建殆
以此也然昔賢所爲必立祠堂之故非但以飾觀已
也所以報本而反始也所以尊祖而敬宗也所以萃
渙而合漠也必也登其堂而愾僎如接羹墻履其地
而踰躋咸生孝弟老老幼幼尊尊親親則所謂上治
祖禰下治子孫旁治宗族者胥係乎此此則祠堂之
所爲設也苟非然者雖極崇闋壯麗徒以飾觀而已
矣此所謂黍稷非馨明德惟馨者也景山以是告其

族之宗人宗人咸首肯曰余遂握管而爲之記
乾隆歲次乙亥孟冬之吉

年家眷弟范轉東拜撰


附記祠基細號

罔字一千三百八十六號 平一畝六分八厘

清糧
新號

五百十七號 平一畝八分八毫四


絲



雙廟頭分祠記

雙廟之祠分祠也曷爲謂之分祠呂氏之先蓋有祠在魏瀆矣有魏瀆之祠復有雙廟之祠豈彼爲大宗而此爲小宗乎而又非也雙廟之祠仍奉直言公主矣則猶然大宗祠也然則曷爲復有雙廟之祠也雙廟之祠蓋分祠也分之爲言分也雙廟之祠義蓋取此古者於宗廟朔望必展禮時食必薦新雙廟於魏瀆差遠風雨之朝省謁之節有不便焉於心有誦然者誦而思以伸之此分祠之所爲建也顧分之爲言

分也奈何昔帝簡公欲建祠於雙廟而傷其力之不
支也積有歲年間或形諸浩嘆先是地有荒田數畝
蕪穢不治久矣一日顧而倡議於衆曰是殆資吾爲
建祠計也夫事固有圖之於其豫而積之以其漸者
必欲成功於一旦其何時也於是率其子弟合作通
耕秋則儲其所收于公以生息由是始基之矣未也
繼乃有文彩公者聞之踵事捐輸息漸裕矣然亦未
遑遽圖工築之事也乾隆丁巳乃得子孝公配范孺
人捐銀一百三十兩地五分由是而作堂有基工費



有用凡諸始事之人莫不矜奮踴躍赴功磚瓦木
植之料一時全集不數月而雙廟之祠聿成語云
爲善樂其終茲尤其終事者哉然其時費用亦尙
未敷也經理之人勢不獲已乃復糾會捐數以足
之貧不能助者諒助之役蓋筋力貨財均有助焉
夫雙廟之殷實充裕者亦駸駸乎盛矣然是舉也
微帝簡公莫圖厥始微范孺人莫旣厥終微文彩
及工作諸人亦無以助與而任畚揭之役其出不
同而其致大畧相等故是祠也微論無關於魏瀆

諸宗人即與雙廟之拱手張目者亦自風馬而止
可謂雙廟之分祠故曰分之爲言分也或曰若是
恐非大公之義而亦不盡然蓋是祠之建也勤耕
力作者有人捐貲助役者有人皆班班可考也諸
如若輩之不耕不輸不作坐視旁觀則是祠也豈
其天產而地出哉不有所別其何以勸余亦無以
難爰承其意爲之說

乾隆歲次乙亥孟冬之吉

年家眷弟范轉東拜撰

附記 祠基細號以及建祠効力諸人另有碑

石

存祠譜不盡載



上海圖書館藏



雙廟頭十五房專祠碑記

族有大宗小宗因有公祠專祠我呂氏自宋來宜
建祠梁莘瀆此大宗之有公祠也由來舊矣至
帝簡公欲建專祠於雙廟頭以隆根本之誼率諸
子姪開墾荒田通力合作儲所收以資生息復得
文彩公踵事捐輸後先繼美公產漸裕乾隆丁巳
子孝夙暨配范孺人捐銀一百三十兩基地五分
遂建專祠于里之東南先靈妥焉費用不敷經理
者糾會借銀多方設策貧不能捐者急公力役拮

据告成是祠也不特無與於大宗卽小宗亦有不
與以其前未同耕繼未樂輸後宗工作故也夫專
祠固有別於公祠而惟此祠更有別焉一分之中
有某房與而某房不與一房之中有某人與而某
人不與非今日之外之以前此之未與固不可托
睦族之說而有背乎前人始事之心也數傳而後
慨然妄起爭端故將建祠原委刻石垂示庶以他
孫克勤之意云

計開

祠屋兩進

前進五間

後進五間

